

Broj: 05-14-2-5027/18
Sarajevo, 31.08.2018. godine

„CityDeal“ d.o.o.
Alije Isakovića 1/2
71000 Sarajevo

PREDMET: Odgovor - dostavlja se
VEZA: Vaš akt od 06.08.2018.godine

Poštovani,

U vezi Vašeg akta, pod datumom veze, koji se odnosi na primjenu Zakona o fiskalnim sistemima („Službene novine Federacije BiH“, broj: 81/09) i evidentiranja prometa putem fiskalnih uređaja, dajemo slijedeći odgovor:

Prema odredbi člana 4. Zakona o fiskalnim sistemima („Službene novine Federacije BiH“, br. 81/09) obaveza je evidentiranja svakog pojedinačno ostvarenog prometa putem fiskalnih uređaja za svako lice koje je upisano u odgovarajući registar za promet dobara, odnosno za pružanje usluga klijentima. Shodno tome, obaveza je evidentiranja prometa u momentu njegovog nastanka, te je za svaki ostvareni promet potrebno izdati i fiskalni račun.

S obzirom da se u Vašem konkretnom slučaju radi o specifičnom načinu prodaje proizvoda i usluga, gdje putem portala prodajete proizvode i usluge i kupcu izdajete vaučere za obavljenju kupovinu i za iste usluge naplaćujete određenu proviziju od firmi u čije ime obavljate prodaju, niste obavezani izdavati fiskalne račune za prodane proizvode i usluge, jer se ne radi o prometu CityDeal-a, već ste obavezani kada firmi u čije ime je izvršena prodaja prilikom dostavljanja fakture-izvještaje o prodanim proizvodima i uslugama, evidentirati na svom fiskalnom uređaju samo naknadu, proviziju, za pružene usluge i za iste izdati fiskalni račun.

Također napominjemo da se na vaučeru treba staviti napomena da je promet po osnovu prodaje sastavni dio zbirnog fiskalnog računa.

S druge strane, partneri sa kojim firma „CityDeal“ d.o.o. ima sklopljene ugovore o promotivnoj prodaji proizvoda i usluga preko Internet portala, obavezna je evidentirati ukupni promet po osnovu prodatih vaučera od strane Internet portala, jer se radi o prometu koji ista ostvaruje, s tim da u ovom slučaju firma može izdavati

zbirni fiskalni račun po osnovu prometa iskazanog na fakturi-izvještaju koji mu posrednik u prodaji dostavlja.

U skladu sa navedenim, partneri sa kojim imate zaključene ugovore o promotivnoj prodaji mogu izdavati zbirni fiskalni račun, za koji mu City deal Sarajevo dostavlja zbirnu fakturu-izvještaj o prodaji do 10. u mjesecu za prethodni mjesec kada vršite obračun naknade za sve prodate vaučere za taj mjesec, s tim da je obaveza da promet iskazan na zbirnom fiskalnom računu odražava promet na zbirnoj fakturi-izvještaju, dok s druge strane posrednik City deal Sarajevo ima obavezu evidentiranja prometa preko fiskalnih uređaja po osnovu provizije za svaku firmu u čije ime vrši prodaju preko svog Internet portala.

S poštovanjem,

MINISTRICA
Jelka Miličević



CO:

- Porezna uprava Federacije BiH - Središnji ured
- Federalna uprava za inspeksijske poslove